

Newspaper
Date

SelangorKini
11 March 2016

Utama

2 | SelangorKini 11 - 18 Mac 2016

Deklarasi Rakyat 'Selamatkan Malaysia'

Tekad tolak kepemimpinan Najib

SelangorKini - 11/3/2016

OLEH NAEEM RAFFI

KUALA LUMPUR - Deklarasi Rakyat 'Selamatkan Malaysia' menyaksikan seteru politik duduk semeja membulatkan tekad menolak pentadbiran Perdana Menteri, Datuk Seri Najib Razak.

Timbalan Presiden KEADILAN, Dato' Seri Mohamed Azmin Ali, berkata deklarasi terbabit dizahirkan setelah melihat ada keperluan mendesak untuk membuat reformasi terhadap sistem negara.

"Dianjurkan semua pihak ketopikan ideologi politik, fahaman, agama, budaya dan meletakkan kepentingan selamatkan negara dan memulihkan ekonomi."

"Kalau dia (Najib) ada maruah, dia kena letak jawatan," katanya selepas Majlis Menandatangani Deklarasi Rakyat 'Selamatkan Malaysia' di Rumah Alumni Universiti Malaya, di sini pada 4 Mac lalu.

Mengulas lanjut, Mohamed Azmin berkata, perjuangan mereka demi kepentingan rakyat dan negara mengatasi segala-galanya.

"Setiap orang tidak lupa sejar-



ah tetapi kita harus belajar daripada sejarah seperti apa berlaku hari ini.

"Kita dapat saksikan di mana setiap rakyat Malaysia berpegang sama ada dalam parti politik atau badan bukan kerajaan (NGO) bersetuju menurunkan tandatangan Deklarasi Rakyat

katanya.

Pada masa sama, pemimpin veteran DAP, Lim Kit Siang yang pernah menjadi seteru ketat Tun Mahathir juga menetapkan kisah lampaunya untuk bersama-sama mengubah nasib negara dan rakyat.

"Semua rakyat sedia ketepikan

perbezaan mereka dan bangkit bersama meletakkan negara mengatasi segala-galanya.

"Kita gesa 30 juta rakyat tanpa mengira kaum, agama mahupun perbezaan politik tampil selamatkan Malaysia daripada menjadi negara gagal," katanya.

Pengerusi BERSIH, Maria Chin

Abdullah, pula berkata beliau hadir sebagai rakyat prihatin dan mahu terlibat sama mengubah nasib negara.

"Kita tidak mahu bercakap dalam masa 10 tahun lagi berkenaan rasuah, undang-undang merindas. Kami berada di sini untuk masa depan lebih baik," katanya.

Sokongan Anwar dihargai, Tun M balas dengan salam

KUALA LUMPUR - Sokongan Ketua Umum KEADILAN, Dato' Seri Anwar Ibrahim terhadap Deklarasi Rakyat 'Selamatkan Malaysia' dengan mendesak Perdana Menteri, Datuk Seri Mohd Najib Razak meletakkan jawatan dihargai Tun Dr Mahathir Mohamad.

Bekas Perdana Menteri itu bukan sahaja mengucapkan terima kasih, malah mengirim ucapan salam buat Anwar kepada Timbalan Presiden KEADILAN, Dato' Seri Mohamed Azmin Ali.

"Sampaikan saluan dan terima kasih saya pada dia (Anwar)," katanya selepas menandatangani deklarasi terbabit pada 4 Mac lalu.

Terdahulu, Mohamed Azmin memaklumkan kepada Tun Mahathir berkenaan sokongan Anwar terhadap gerakan terbabit.

"Semalam 8 Syarasa berjumpa Anwar di Sungai Buloh bagi memaklumkan perkembangan terkini politik tanah air dan beliau bersetuju untuk bekerjasama," kata Mohamed Azmin kepada Tun Mahathir.

Kami hadir sebagai rakyat prihatin

KUALA LUMPUR - Sejarah tercipta apabila ikon politik, masyarakat sivil dan badan bukan kerajaan (NGO) bergabung menyelamatkan Malaysia dengan menentang Perdana Menteri, Datuk Seri Najib Razak meletakkan jawatan.

Bekas Perdana Menteri, Tun Dr Mahathir Mohamad, berkata kehadiran mereka adalah sebagai rakyat dan bukannya mewakili mana-mana parti politik.

"Kami hadir sebagai rakyat prihatin dan membong keadaan negara kini.

"Hari ini adalah sangat penting sebagai rakyat Malaysia. Kami semua bersetuju negara ini di-

pimpin seorang yang melakukan banyak kerosakan dan jika tidak disingkirkan, ia akan bertambah parah.

"Kita bersatu atas satu isu iaitu Najib perlu disingkirkan sebagai Perdana Menteri," katanya pada sidang media selepas Majlis Menandatangani Deklarasi Rakyat di Rumah Alumni Universiti Malaya, 4 Mac lalu.

Terdahulu, Deklarasi Rakyat ditandatangani pemimpin dengan dimulakan Tun Mahathir, Tun Dr Siti Hasmah Mohd Ali, Dato' Seri Mohamed Azmin Ali, Tun Dr Ling Liong Sik dan Tan Sri Muhyiddin Yassin.

Hari ini adalah sangat penting sebagai rakyat Malaysia. Kami semua bersetuju negara ini dipimpin seorang yang melakukan banyak kerosakan dan jika tidak disingkirkan, ia akan bertambah parah

TUN MAHATHIR
Bekas Perdana Menteri

Pakatan sokong penglibatan kepimpinan tertinggi

KUALA LUMPUR - Majlis Presiden Pakatan menyokong pemsabitin kepimpinan tertinggi gabungan itu dalam majlis Deklarasi Rakyat pada 4 Mac lalu.

Presiden KEADILAN, Datuk Seri Dr Wan Azizah Wan Ismail, berkata penglibatan Dato' Seri Mohamed Azmin Ali, Lim Kit Siang dan Mohamed Sabu dalam majlis perjanjian itu membuktikan komitmen mereka ke arah reformasi menyelamatkan negara.

"Pakatan memandang positif beberapa perkembangan mutakhir yang menjadi bukti bahawa reformasi membawa perubahan institusi dan sistem diperjuangkan selama ini adalah satu-satunya cara menyelamatkan Malaysia," katanya dalam sidang media di pejabat Ketua Pembangkang, 7 Mac lalu.

Katanya, pengakuan Tun Mahathir secara tidak langsung menunjukkan institusi kerajaan tidak bebas hingga memangsakan Ketua

Umum KEADILAN, Datuk Seri Anwar Ibrahim yang dipenjara.

"Pakatan menetapkan pembebasan Anwar menjadi agenda utama yang akan dibawa bersama agenda reformasi lain dalam usaha menyelamatkan Malaysia.

"Strategi tiga serampang iaitu menuntut reformasi institusi, membebaskan Anwar dan menuntut Najib meletakkan jawatan akan digerakkan secara bersepadu," katanya.

